

ԺԱՆՏԱԽՏԻ ԴԻՄԱԿԸ

Է Դ Գ Ա Ր Պ 0 Է-ի

Պարմիր մահ անւանւած ժանտախտը վաղուց արգէն ճարակել էր երկիրը: Երբէք դեռ տեղի չէր ունեցած այդպէս սարսափելի, կատաղի մահ: Նորա առաջին նշանը լինում էր արիւն, վարդագոյն յորդառատ արիւն:

Հիւանդութիւնը սկսւում էր սաստիկ ծակոցքից, յանկարծակի գլխացաւից, որ տեղի էր տալիս արիւնահոսութեան մարմնի բոլոր մասերից: Մարմնի և նա մանաւանդ երեսի և ձեռքերի վերայ երեւացող կարմիր բծերը ջնջւում էին զոհին մարդկութեան ցուցակից և զրկւում էին այնուհետեւ նորան օգնելուց և համակրութիւնից: Հիւանդութեան սկիզբը, զարգացումը մինչև վերջը տևում էր ոչ աւելի, քան կէս ժամ:

Բայց իշխան Պրոսպերօն երջանիկ, հնարագէտ և ձեռնարկու մարդ էր: Երբ որ նորա իշխանութեան մէջ սկսեց ժողովուրդը կոտորել ժանտախտից, նա հրաւիրեց իւր բարեկամներին՝ քաջ և զւարճասէր ասպետներից և պալատական տիկիներին մինչև հազար մարդ և սոցա հետ մեկուսացաւ իւր ամրոցներից մէկը:

Ամրոցը ահագին, հոյակապ մի շինութիւն էր, արքայական մեծաւքանչ ճաշակով: Նա շրջապատած էր բարձր և հաստ պարիսպով: Նրկաթեայ դռները պահպանում էին ամրոցի մուտքը: Այդ դռները զրահաւորւած էին հաստ և մեծ նիզեքով, որպէս զի արուաքին աշխարհի ցաւերը և յուսարէկութիւնը չ'մոնեն ամրոցի ներսը, ուր ժողովւած էր առատ ուտելապաշար երկայն ժամանակի համար:

Այդպիսի նախազգուշութիւնների շնորհիւ՝ ամրոցականները կարող էին ուշք չ'դարձնել ժանտախտի վերայ: Արտաքին աշխարհը թող ինքը հոգար իւր անելիքը այդ զժբաղդ օրերում:

Մի՞թէ անմտութիւն էր լինիլ նստել երկայն և տխրել, կամ ուրիշ մտատանջութիւնների ենթարկել: Իշխանը հոգացել էր նաև զւարճութիւններ աւելացնելու միջոցների մասին: Նա ունէր և ծաղրածուներ, և յանպատրաստից ճառախօսներ, և պարողներ և երաժիշտներ և գինի: Ամրոցում կային բոլոր այս լաւ առարկաները և ասպահովութիւնը: Նորանից արտաքսւած էր կարմիր մահը:

Ամրոցի բաղդաւորների կղզիանալուց հինգ թէ վեց ամսւայ վերջումը, մինչդեռ ժանտախտը արտաքին աշխարհում աւելի մեծ կատաղութեամբ լափում էր իւր զոհերը, իշխան Պրօսպերօն իւր երջանիկ ոգևորութեան մէջ յայտարարեց իւր բարեկամներին՝ որ նա կազմում է շքեղ դիմակահանդէս:

Ի՞նչ հրաշալի պատկեր էր ներկայացնում այս դիմակահանդէսը: Եւ ձեզ համար կը նկարագրեմ նախ այն դահլիճները, որտեղ նա կատարւում էր: Թւով նոքա եօթն էին:

Շատ պալատներում դահլիճները ձգւած են մէկը միւսի ետևից ուղիղ գծով, այնպէս որ մարդու աչքը կարող է միանգամից տեսնել մի ծայրից միւս ծայրը բացւած գոնների միջով: Իսկ այստեղ բոլորովին ուրիշ կերպ էր, ինչպէս և սպասել պէտք էր իշխանի արտասովոր և ինքնահաճ ճաշակից: Դահլիճները այնպէս անկանոն էին նախագծւած, որ մի դահլիճից միւսը չէր երևում: Ամենայն մի պատի միջում՝ թէ աջ և թէ ձախ կողմից՝ բացւած էր բարձրադիր և նեղ պատուհան, որ նայում էր այն միջանցքներին, որոնցով շրջապատւած էին դահլիճները:

Պատուհանների ապակիները համապատասխանում էին պատի պաստառների գոյնին: Արեւմտեան դահլիճը, զորօրինակ, կապտագոյն էր, և պատուհանների ապակիներն էլ կապույտ էին: Երկրորդ դահլիճը ծիրանագոյն պաստառներով էր ծածկւած և ապակիներն էլ նոյն գոյնի էին: Երրորդի թէ պաստառները և թէ ապակիները— կանաչագոյն էին: Զորրորդը— նարնջագոյն, հինգերորդը— սպիտակ, վեցերորդը— մանիշակագոյն: Եօթներորդ դահլիճը՝ բոլորը՝ պտտած էր սև թաւիշով առանց բառառութեան: Սճոռքը նոյնպէս թաւշտ-

պատ էր. յատակի գորգերը նոյնպէս սև: Բայց այս գահլիճի պատուհանների գոյնը չէր համապատասխանում պատառին: Ապակիները կարմիր էին, արիւնագոյն:

Այս եօթն դահլիճների պատերը ոսկեգօծած էին առաւ կերպով: Բայց նոցա մէջ եղողին չէին երևում ոչ լամպարներ, ոչ կանթեղներ, ոչ ճրագներ: Միայն՝ դալիճները շրջապատող միջանցքներում՝ իւրաքանչիւր պատուհանի հանդէպ՝ բարձր և մեծ եռոտանու վերայ՝ դրած էր մի մեծ կրակարան, որից լոյսի ճաճանչները խուրձ-խուրձ անցնում էին գունաւոր ապակիների միջով՝ դահլիճները ներսը: Այս տեսակ լուսաւորութիւնը տալիս էր դահլիճներին կախարդական բնաւորութիւն: Սեւապատ դահլիճում լոյսը կարմիր ապակիների միջով անցնելով և սև թաւիշի վերայ տարածելով՝ տալիս էր նորան մուգ տեսք և դահլիճի մէջ մոնող համարձակների երեսը լուսաւորում էր այնպիսի չարագուշակ գոյնով, որ պարողներից շատ սակաւներն էին մոնում այդ գիւական սենեակը:

Սև դահլիճի արեւելեան պատին զետեղւած էր ահագին մեծութեան սևագոյն պատի ժամացոյց: Նորա ճօճանակը կանոնաւոր շարժւում էր, խուլ և ծանր շխոցներով և երբ ըրպէացոյց սլաքը բոլորում էր շրջանը և ժամացոյցը սկսում խփել, մեքենայի երկաթեայ թոքերից դուրս էր գալիս մի զիլ, պարզ, թանձր, չափազանց ներդաշնակ և սակայն այնպէս օտարոտի սաստիկ թափանցող ձայն, որ ամեն անգամ երաժիշտները ստիպւած էին լինում կանգ առնել և սպասել մինչև ժամացոյցի սարսափելի ձայնը դադարէր: Այդ ըրպէներ/ն՝ պարողները ընդհատում էին իրանց պարը և մի յանկարծակի խառնաշփոթութիւն էր տիրում բոլոր հասարակութեան: Ժամացոյցի ձայնից գունատւում էին ամենաանհոգ և ուրախ ասպետներն անգամ... և երբ ժամացոյցի վերջին ձայնը լսւնում էր, նորից հասարակութիւնը կենդանանում էր, երաժիշտները ժրպտալով նայում էին միմիանց երեսին՝ ցանկանալով կարծես դորանով յայտնել, որ անցաւ ծանր ըրպէն և այլ ևս չի կրկնել: Բայց վաթսուն ըրպէից յետոյ նորից սկսւում էր նոյն վրդովմունքը և բոլոր հասարակութեանը տիրում էր նոյն շփոթութիւնը:

Ձը նայելով այդ բոլորին՝ տօնախմբութիւնը ուրախ էր անցնում: Իշխանի ճաշակը օտարոտի էր: Նա ինքն իւր ճաշակով կարգաւոր-

րում էր գոյները և առում էր ընթացիկ նորաձևութիւնները: Նորաձաշակի մէջ երևում էր մի ինչ որ համարձակ և վայրենի բան: Շատերը նորան այդ պատճառով խելագար էին անգամ ենթադրում: Բայց պալատականները քաջ գիտէին, ի հարկէ, որ դա սխալ ենթադրութիւն է: Բաւական էր իշխանի հետ փոքր ինչ տեսակցել, խօսել՝ համոզւելու, որ իշխանը՝ խելքը զլխին մարդ է:

Խնջոյքը շքեղացնելու դիտմամբ՝ իշխանը ինքը ներկայ էր եղել բոլոր պատրաստութիւններին և ամեն բան սարքել էր իւր ճաշակի համաձայն: Պատերի վերայ նա տեղաւորել էր օտարոտի նկարներ, որոնք շատ սարսափելի և մինչև անգամ զզւելի կերպարանքներ էին ներկայացնում: Կարծես թէ՝ դա մի երազի աշխարհք էր պատրաստւած արթուն հանդիսականների համար:

Դիմակահանդէսը փայլում է...

Բայց ահա՝ ժամանակ առժամանակ հնչում է սև ժամացոյցի ձայնը սև դահլիճից: Մի վայրկեան բոլորը կանգ է առնում, դադարում և լռում: Բացի ժամացոյցի զանգից, Մտածողութիւնները սառնում են, ճնշւում: Ժամացոյցի ձայնը սակայն հանգչում է և կրկին վերանորոգւում է ուրախութիւնը, կրկին դղրդում է երաժշտութիւնը և կրկին սահում են պարողները լուսաւորւած գունաւոր ապակիներից...

Ոչ ոք, ո՛չ մի դիմակ չէ համարձակւում այլ ևս մտնել արեւելեան դահլիճ, որովհետև սկսում է մթնանալ դուրսը և կարմիր ապակիներից անցնող լոյսը աւելի ևս սարսափելի է դառնում. իսկ սև ժամացոյցի ձայնը կարծես աւելի դղրդացող և հանդիսաւոր...

Բոլոր միւս դահլիճները լիքն են մարդկանցով և կեանքը այնտեղ եռում է... Բայց ահա հասաւ կէս գիշերը, սկսեց ժամացոյցի ձայնը... Երաժշտութիւնը դադարեց, պարողները կանգ առին: Ամենքին՝ ինչպէս և առաջ՝ տիրեց վրդովմունքը: Այս անգամ ժամացոյցը պէտք է խփէր տասն և երկու: Հանդիսականների գլխով շատ մոքեր տնցան: Գուցէ հէնց այդ երկայն ժամանակի շնորհիւն էր, որ մի քանի անձեր նկատեցին մի դիմակ, որի վերայ մինչև այդ ժամանակը ոչ ոք ուշադրութիւն չէր դարձրել: Այդ դիմակի տեսքը պատճառեց զարմանք, որ շատ շուտով փոխեց սարսափի:

Անշուշտ՝ պէտք է մի անսովոր բան երևեցած լինէր, որ այդ

ազատ և անհոգ հասարակութեան մէջ վրդովմունք կարողանար գցել: Խնջոյքի ազատութիւնը անսահման էր. բայց երեւի՝ նոր դիմակը յանդգնել էր անցնել այդ ազատ սահմաններիցն էլ...

Ամենաանհոգ մարդու սրտումն անգամ՝ կան լարեր, որոնց դիպչելը անպատիժ չէ անցնում: Ամենաստոր մարդկանց համար, որոնք սովոր են կեանքի և մահի հետ խաղալ, կան այնպիսի առարկաներ, որոնցով նոքա չեն համարձակւիլ խաղալ:

Հանդիսականները, ըստ երևույթին բոլորը՝ զգացին անձանթ դիմակաւորի թէ զգեստի և թէ վարմունքի անպատկառութիւնը և անբաղաքավարութիւնը: Դա — մի բարձրահասակ, կմախքացած անձ էր, զլիւից մինչև ոտները պատանքում փաթաթած: Երեսին դրած դիմակը զարմանալի հմտութեամբ պատկերացնում էր լուծւող դիակի՝ գծերը՝ ներկայ եղողները, ի հարկէ, կը ներէին այդպիսի չմար կատակը, եթէ միայն դիմակը ներկայացնում չը լինէր կարմիր-մահ ժանտախտը: Պատանքը աղտոտւած էր արիւնով. լայն ճակատը և բոլոր երեսը կարմիր բծերով պատած էին...

Երբ իշխան Պրոսպերօն նկատեց դիմակը, որ հանդարտ և սի-գաճեմ անցնում էր պարողների միջով, աւաջ՝ զողաց սարսափից և զզւանքից, բայց յետոյ զայրոյթից կատաղեց:

— Այդ ո՞վ է, ո՞վ, աղաղակեց նա խեղճւած ձայնով իրան շրջապատող պալատականներին, ո՞վ է, որ յանգնում է մեզ վիրաւորել այդպիսի սրբապիղծ ծաղրածութիւնով: Բռնեցէ՛ք նորան և պոկեցէ՛ք նորա դիմակը, որպէս զի մենք գիտենանք թէ՛ ումն ենք կախ տալու այսօր արեւազալին:

Այս զէպքը տեղի ունեցաւ արեւմտեան կապոյտ դահլիճում: Իշխանի գոռ խօսքերը բարձրաձայն և պարզ կերպով լսեցին բոլոր եօթն դահլիճներումն էլ: Երաժշտութիւնը լռեց:

Իշխանը կանգնած էր կապոյտ դահլիճում, շրջապատւած գունատւած պալատականներով: Ամբոխի մէջ սկզբում մի շարժում երևաց զէպի չար ոգին. իսկ սա յամրաքայլ և հանդիսաւոր կերպով մերձենում էր իշխանին:

Դիմակի անմիտ յանդգնութիւնը կատաղի սարսափ տարածեց բոլոր հասարակութեան վերայ և ոչ ոք չէր վստահանում նորան բռնել: Իսկ դիմակը, ստիպելով ամբոխին՝ նորա համար ճանապարհ

բաց անելու, անցաւ կապտագոյնը և ալլն։ Ոչ ոք չէր համարձակուում նորան արգելք լինելու։

Բայց ահա իշխան Պրոսպերօն ընկաւ դիմակի ետեւից՝ անցնելով բոլոր վեց դահլիճները։ Հանդիսականներից ոչ ոք սիրտ չ'արաւ հետեւելու նորան։ Իշխանը շարժում էր իւր մերկացրած դաշոյնը հեռացող դիմակի ետեւից։ Բայց չար ոգին, հասնելով սև դահլիճին, կանգ առաւ և երեսը դարձրեց դէպի իրան հալածողը։ Յանկարծ լսեց թափանցիկ աղաղակ. դաշոյնը, փայլելով, ընկաւ սև գորգի վերայ և իշխան Պրոսպերօն գետին տարածւեց մեռած։

Ամբոխը թափւեց սև դահլիճը և բռնեց անծանօթին, որ կանգնած էր դիք և անշարժ սև ժամացոյցի սոււերում։ Բայց սարսափը տիրեց բոլորին, երբ պատանքի մէջ չ'երևաց ոչ մի շօշափելի առարկայ։ Բոլորը հասկացան, որ դա կարմիր-մահի ուրականն է... Եւ բոլոր հանդիսականները այդ սարսափից վայր ընկան և բոլորը մեռան այն դրութեան մէջ, ինչպէս նոքա ընկնում էին։

Սև ժամացոյցի կեանքը վերջացաւ ամրոցականների վերջինի կեանքի հետ։ Եւ եռոտանիների կրակը հանգաւ և այնուհետև խաւարը, աւերը և կարմիր-մահը տարածեցին ամեն բանի վերայ իրանց անսահման իշխանութիւնը։